

Satu petanda baik — Timbalan MB

Lebih 100 keluar PAS utk sertai UMNO

RANTAU PANJANG, Khamis — Lebih 100 orang ahli PAS Ranting Telaga Mas dan beberapa ahli jawatankuasanya telah keluar beramal-ramal dan menyertai UMNO.

Mereka menu-buhkan sebuah cawan-gan UMNO yang baru bagi Kampung Kok Pauh Baru yang berhampiran dan telah dirasmikan oleh Timbalan Menteri Besar, Datuk Haji Hussein Ahmad petang semalam.

Kampung Telaga Mas merupakan kubu kuat PAS selama ini dan tindakan keluar beramal-ramal menunjukkan mereka tidak lagi menaruh kepercayaan kepada pucuk pimpinan parti serta tindak-tanduknya memecah-belahkan perpaduan masyarakat Islam Kelantan sejak akhir-akhir ini.

Berpecah

Telaga Mas adalah kubu kuat PAS yang kedua ditembusi oleh UMNO. Sebelum ini UMNO berjaya menubuhkan sebuah cawan-gan di Taman Uda Murni dalam kawasan Parlimen Pengkalan Chepa yang diwakili oleh anggota PAS.

Datuk Haji Hussein dalam ucapannya berkata, dengan tertubuhnya cawangan UMNO oleh bekas ahli-

Jaga tokong dirompak

TAIPING, Khamis — Dua lelaki merompak \$16 dari seorang jaga tokong, Kiang Kool, 67, setelah tangan dan kakinya dilikat di Pondok Tanjung dekat sini semalam.

Menurut polis, kejadian itu berlaku ketika Kiang pulang ke tokongnya jam 9 pagi setelah pergi ke dusun durian berhampiran.

Kata polis, dua lelaki menunggu di tokong tersebut menahan dan mengikatnya sebelum mengambill wang tersebut dari seluarnya.

ahli PAS di Kampung Kok Pauh Baru itu, PAS telah berpecah dan hilang kepercayaan di kalangan ahli peringkat bawah.

"Ini juga menunjukkan satu petanda baik di mana UMNO telah berkembang maju terutama di saat menjelang pilihanraya tidak lama lagi," ujarnya.

Tegasnya lagi, inilah kali pertama dalam sejarah UMNO, berjaya menembusi kubu kuat PAS dalam kawasan Parlimen atau bahagian Rantau Panjang.

Beliau bersyukur kerana ahli-ahli PAS yang

begitu kuat menyokong parti itu telah sedar tentang tindak-tanduk para pemimpin PAS selama ini dan berpaling tadah kepada UMNO.

Datuk Haji Hussein mengecam sikap setengah ahli parti pembangkang yang menuduh projek-projek Kerajaan Barisan Nasional itu haram di sisi mereka sedangkan merekalah yang dahulu sekali menikmati kemudahan Kerajaan itu.

"Inilah sikap orang yang bercakap lain tetapi perbuatannya lain," tambah Timbalan Menteri Besar lagi.

Mengaku salah sertai geng haram

JOHOR BAHRU, Khamis — Empat orang mendapat cedera parah, salah seorang dari mereka kehilangan jari sementara beberapa yang lain mendapat luka ringan apabila diserang oleh sekumpulan bersenjata Julai tahun lalu, berpunca dari pemilikan sebuah kereta.

Penyerang-penyerang tersebut lari sebelum sempat polis tiba di tempat kejadian. Bagaimanapun, seorang dari mereka ditangkap kemudiannya.

Dalam kandang orang salah di Mahkamah Mejjstret di sini hari ini, Tey Eng Chai, 32, seorang tukang masak, mengaku atas dakwaan menganggotai kumpulan haram itu dan menggunakan kekejaman terhadap empat orang, Ng Pau Sing, Cheah Ah Fatt alias Simon, Ng Boon Hing alias Ah Kow dan Tay Yong Wah alias Putih.

Tey dikatakan mengambil bahagian dalam serbuan itu dengan menggunakan senjata merbahaya bersama lapan yang lain di Restoran Seafood, Jalan Stulang Darat pada jam 7.00 malam 20 Julai tahun lalu.

Inspektor Zulkifli Alias dalam dakwaannya berkata mangsa-mangsa kejadian itu bersama rakan-rakan mereka ketika itu sedang makan malam.

Bahan asal dari Arkib
Negara Malaysia